

Agenda – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 21 Medi 2022

Amser y cyfarfod: 13.30

89(v3)

Cynhelir y cyfarfod hwn ar ffurf hybrid, gyda rhai Aelodau yn Siambr y Senedd ac eraill yn ymuno drwy gyswllt fideo.

1 Cwestiynau i'r Gweinidog Newid Hinsawdd – Gohiriwyd o 14 Medi

(45 munud)

Mae'r Llywydd wedi cael gwybod, o dan Reol Sefydlog 12.58, y bydd y Dirprwy Weinidog Newid Hinsawdd a'r Gweinidog Materion Gwledig a Gogledd Cymru, a'r Trefnydd yn ateb cwestiynau ar ran y Gweinidog.

Bydd y Llywydd yn galw ar Lefarwyr y Pleidiau i ofyn cwestiynau heb rybudd ar ôl Cwestiwn 2.

[Gweld y Cwestiynau](#)

2 Cwestiynau i Weinidog y Gymraeg ac Addysg – Gohiriwyd o 14 Medi

(45 munud)

Bydd y Llywydd yn galw ar Lefarwyr y Pleidiau i ofyn cwestiynau heb rybudd i'r Gweinidog ar ôl Cwestiwn 2.

[Gweld y Cwestiynau](#)

3 Cwestiynau i'r Gweinidog Cyllid a Llywodraeth Leol – Gohiriwyd tan 28 Medi



4 Cwestiynau i'r Gweinidog Materion Gwledig a Gogledd Cymru, a'r Trefnydd – Gohiriwyd tan 28 Medi

5 Cwestiynau Amserol

(20 munud)

Gofyn i Weinidog yr Economi

[Hefin David \(Caerffili\)](#): A wnaiff y Gweinidog ddatganiad am y newyddion diweddar bod Bearmach Cyf. ar Ystâd Ddiwydiannol Pantglas, Bedwas, wedi mynd i ddwylo'r gweinyddwyr?

Gofyn i Ddirprwy Weinidog y Celfyddydau a Chwaraeon

[Heledd Fychan \(Canol De Cymru\)](#): Pa drafodaethau y mae'r Gweinidog wedi'u cynnal gyda rhanddeiliaid lleol a chynrychiolwyr undebau ynglŷn â diogelu hawliau gweithwyr yn dilyn y cyhoeddiad diweddar ynglŷn ag allanoli gwasanaethau yng Nghanolfan Awyr Agored Genedlaethol Plas Menai?

6 Datganiadau 90 Eiliad

(5 munud)

7 Dadl ar adroddiad y Pwyllgor Cydraddoldeb a Chyfiawnder Cymdeithasol – Tlodi tanwydd a'r Rhaglen Cartrefi Clyd – Gohiriwyd o 14 Medi

(60 munud)

NDM8072 [Jenny Rathbone \(Canol Caerdydd\)](#)

Cynnig bod y Senedd:

Yn nodi adroddiad y Pwyllgor Cydraddoldeb a Chyfiawnder Cymdeithasol ar Dlodi tanwydd a'r Rhaglen Cartrefi Clyd, a [osodwyd](#) ar 18 Mai 2022.

Noder: [Gosodwyd](#) ymateb Llywodraeth Cymru i'r adroddiad yn y Swyddfa Gyflwyno ar 19 Awst 2022.

8 Dadl ar adroddiad y Pwyllgor Newid Hinsawdd, yr Amgylchedd a Seilwaith – Ynni adnewyddadwy yng Nghymru – Gohiriwyd o 14 Medi – Tynnwyd yn ôl

(0 munud)

Tynnwyd y cynnig yn ôl

9 Cynnig i gymeradwyo'r Cynllun Ieithoedd Swyddogol ar gyfer y Chweched Senedd a nodi'r adroddiad cydymffurfio ar gyfer y cyfnod 2021–22 – Gohiriwyd tan 28 Medi

10 Dadl ar adroddiad Pwyllgor yr Economi, Masnach a Materion Gwledig – Adolygiad o Reoliadau Adnoddau Dŵr (Rheoli Llygredd Amaethyddol) (Cymru) 2021 – Gohiriwyd tan 12 Hydref

Cynnig i atal Rheolau Sefydlog dros dro

(5 munud)

NNDM8075 [Elin Jones \(Ceredigion\)](#)

Cynnig bod y Senedd, yn unol â Rheolau Sefydlog 33.6 a 33.8:

Yn atal Rheol Sefydlog 12.22(i) er mwyn caniatáu i'r gwelliannau a gyflwynwyd i NDM8073 gael eu hystyried yn y Cyfarfod Llawn ddydd Mercher 21 Medi 2022.

11 Dadl Plaid Cymru – Costau byw – Gohiriwyd o 14 Medi

(60 munud)

NDM8073 [Sian Gwenllian \(Arfon\)](#)

Cynnig bod y Senedd:

1. Yn credu bod y cynnydd presennol mewn biliau ynni yn anghynnaladwy ac y bydd yn achosi straen ariannol a chaledi i aelwydydd, busnesau, a grwpiau cymunedol, tra bod cwmnïau tanwydd ffosil yn gwneud yr elw mwyaf erioed.

2. Yn galw ar Lywodraeth Cymru i weithredu mesurau argyfwng costau byw ehangach ar unwaith, fel:

- a. haneru prisiau trenau a gosod cap ar brisiau bws;
- b. gweithio gydag awdurdodau lleol i glirio rhai o'r ôl-ddyledion treth gyngor sylweddol sydd wedi cronni yn ystod cyfnod y pandemig;
- c. rhewi rhent;
- d. ailgyflwyno mesurau i wahardd troi allan yn y gaeaf;
- e. ehangu'r cynllun prydau ysgol am ddim i blant ysgol uwchradd;
- f. cynyddu'r lwfans cynhaliaeth addysgol i £45.

Cyflwynwyd y gwelliannau a ganlyn:

Gwelliant 1 [Darren Millar \(Gorllewin Clwyd\)](#)

Dileu popeth a rhoi yn ei le:

Yn nodi bod Llywodraeth y DU wedi cyflwyno ardoll ar elw ynni.

Yn croesawu'r camau a gymerwyd gan Lywodraeth y DU i fynd i'r afael â chostau byw, gan gynnwys:

- a) gwarant pris ynni, sy'n rhoi cap ar gostau ynni;
- b) taliadau costau byw i bob ar fudd-daliadau incwm isel a chredydau treth gwerth £650;
- c) taliad costau byw anabledd gwerth £150;
- d) gostyngiadau misol mewn biliau tanwydd o fis Hydref ymlaen gwerth £400;
- e) cynnydd yn y Cyflog Byw Cenedlaethol i £9.50 yr awr;
- f) gostyniad yn y gyfradd taper credyd cynhwysol;
- g) rhewi'r dreth tanwydd;
- h) rhewi ffi'r drwydded teledu am dwy flynedd;
- i) taliadau tanwydd gaeaf ychwanegol.

Yn galw ar Lywodraeth Cymru i weithio gyda Llywodraeth y DU i gefnogi pobl, busnesau a'r trydydd sector i wynebu'r heriau sydd i ddod.

[Os derbynnir gwelliant 1, caiff gwelliant 2 ei ddad-ddethol]

Gwelliant 2 [Lesley Griffiths \(Wrecsam\)](#)

Dileu popeth ar ôl pwynt 1 a rhoi'r canlynol yn ei le:

Yn credu bod Llywodraeth y DU yn methu â dirnad difrifoldeb yr argyfwng hwn, ac y byddai'n caniatáu i bobl sy'n gweithio dalu cost cap ynni yn hytrach na threthu elw digynsail cynhyrchwyr nwy ac olew.

Yn croesawu'r £1.6bn a fuddsoddir yn benodol i helpu gyda chostau byw a'r rhaglenni cyffredinol sy'n rhoi arian yn ôl ym mhocedi pobl a ddarperir gan Lywodraeth Cymru y flwyddyn ariannol hon, gan gynnwys:

- a) ehangu Taliad Cymorth Tanwydd y Gaeaf o £200 ar gyfer 400,000 o aelwydydd y gaeaf hwn;
- b) dechrau cyflwyno prydau ysgol am ddim i bob disgybl cynradd o fis Medi 2022;
- c) buddsoddi £51.6m yn y Gronfa Cymorth Dewisol i arbed pobl sydd mewn argyfwng ariannol difrifol;
- d) £4m ar gyfer talebau tanwydd i helpu pobl sydd ar fesuryddion talu ymlaen llaw a banc tanwydd i bobl nad ydynt ar y prif gyflenwad nwy.

12 Amser a neilltuwyd i'r Ceidwadwyr Cymreig – Gohiriwyd tan 28 Medi

13 Cyfnod Pleidleisio

14 Dadl Fer – Gohiriwyd o 14 Medi

(30 munud)

NDM8070 [Jenny Rathbone \(Canol Caerdydd\)](#)

Darparu prydau ysgol am ddim i bawb: yr heriau a'r cyfleoedd.

15 Dadl Fer (Joel James (Canol De Cymru)) – Gohiriwyd tan 28 Medi

Cynhelir Cyfarfod Llawn nesaf y Senedd am 13.30, Dydd Mawrth, 27 Medi 2022